

34 331  
DISSERTATIO INAUGVRALIS MEDICA

DE

ANALYSI,

VERA INDOLE ET EGREGIA VIRTUTE

RHABARBARI VERI,

QVAM

CONSENSV ET AVCTORITATE

GRATIOSI MEDICORVM ORDINIS

IN ALMA ET PERANTIOVA HIERANA,

SVB PRÆSIDIO

DN. D. HERMANNI PAVLI  
JVCHII,

SAC. PALAT. CÆS. COMITIS, FACVLT. MED. H. T. PRO-DECANI ET SENIORIS,  
PATHOL. ATQVE PRAX. PROF. PVBL. ET ASSESSORIS PRIMARIJ,  
SERENISS. SAXON. DVC. VINARIENSIS ET GOTHANI CONSILIARIJ  
AVLICI ET ARCHIATRI, NEC NON ACAD. CÆSAR. NAT. CVRIOS.  
COLLEGÆ,

DN. PROMOTORIS ET PATRONI SVI OMNI OBSERVANTIAE  
CVLTV PROSEQVENDI,

PRO GRADV DOCTORIS  
SYMMISQVE IN ARTE SALVTARI HONORIBVS  
ET IMMVNITATIBVS

LEGITIME IMPETRANDIS,  
AD DIEM VII. IVLII ANNI M DCC XLV.

H. L. Q. C.

SOLENNI ERVDITORVM EXAMINI SVBMITTIT  
AVCTOR ET RESPONDENS

ADAMVS CHRISTOPHORVS PRÆTORIVS,  
NEOSTADIENSIS AD ORILAM VARISCVS.

ERFORDIÆ,

Typis JOH. CHRISTOPH. HERINGII, Acad. Typogr.









## P R O O E M I V M.



Multa quidem sunt, quæ medicum perficiunt & ornant; ex omnibus tamen, nihil fere magis ipsum bene instruit, & ad artem salutarem cum laude & bonis ægrorum rebus faciendam idoneum reddit, quam sufficiens medicamentorum quoad principia sua & verum agendi adhibendique modum cognitio. Quum enim medicamenta quasi sint arma, quibus adversus morborum cohortem insurgit medicus, necesse omnino est, ut rectum ipsorum applicandi modum calleat, beneque perspectum habeat,

A 2 quibus



quibus agendi principiis suam qualemcunque operationem absolvant, si cum fundata ratione iniquis morborum insultibus obviam ire contendit. Jam quidem existimare quis posset, medicum satis tuto posse curare, si modo generalem de viribus remediorum notitiam haberet, atque memoria non solum teneret, aloen, rhabarbarum & cremorem tartari &c. laxantem possidere virtutem, sed probe quoque intelligeret, qua dosi, quaque forma singula hæc propinanda sint. Verum enim vero, qui ita procedunt, empirici mihi videntur, nulloque modo honorificum veri ac eruditi medici merentur titulum. In eo enim a plebeja differt eruditi scientia, ut non solum quæ fiant, verum etiam quare, & ex quibus causis ita & non aliter eveniant, cognoscat. Recte igitur omnes saniores præcipiunt medici, ut arte salutari erudiendi inprimis materiam medicam, quæ remediorum vires & agendi modum distincte explicat, diligenter tractent. Quod quidem præceptum licet omni laude dignum sit; graviter tamen dolendum est, quod nulla fere medicinæ pars, quam quæ de  
reme-



remediorum operatione agit, levius usque dum fit tractata. Quod si enim pleraque & satis alioquin egregia doctorum virorum de materia medica monumenta evolvimus, simplicia quidem, eorumque præparata historice inibi descripta & secundum originem, nascendi modum & characteres suos bene examinata, pulchrisque sæpe iconibus expressa deprehendimus; de genuinis autem ipsorum principiis & veris virtutibus vel altum est silentium, vel tam incerta, sibi invicem contradicentia & gratis assumpta legimus principia, ut tam confusum chaos medico erudito & per rationes sapienti non possit non stomachum movere. Causam hujus ignorantiae perquisituro vix occurrit alia, quam quod pleraque simplicia nondum satis exacte per chymiam rationalem sunt examinata; quæ tamen si verum fateri licet, januam aperit ad cognoscenda elementa, quibus medicamenta suas in corpore humano operationes exercent. Neque sane difficile est, etiam hujus defectus veram invenire rationem: siquidem vel nonnullis commoda simplicia examinandi occasio defuit; nonnulli au-



tem rationalis chymiae fundamentis destituti examina perverse & inutiliter instituerunt. Quæ quum mecum perpenderem, & de inauguralis dissertationis themate serio deliberarem, operæ me pretium facturum esse judicavi, si ego, qui olim arti pharmaceuticæ operam dedi, de simplici quodam ex materia medica desumpto pro viribus verba facerem, maxime quum in plurimis dissertationibus morbi pertractari soleant, novumque thema invenire difficile sit. Ex amplissima autem, quæ in pharmacopoliis prostant farragine accurrationi aliqua disquisitione dignum censui rhabarbarum, cujus sane uberrimus & verè præstantissimus in varii generis morbis sanandis est usus. Quapropter non solum rhabarbarum accurrationi examini chymico subjeci, & in ejus originem, quantum fieri potuit, curatius inquisivi; verum etiam secundum principia ex chymica analysi cognita, verum ejus usum docere allaboravi. Quos autem qualescunque conatus meos ut B. L. æqui bonique consulat, mihi que forsan impingenti benevole condonare velit, est quod humaniter oro rogoque.



§. I.

**R**habarbarum verum, cujus principia, vires & veros usus jam demonstrandos suscepimus, eodem significatu appellatur *Rheum* & *Rheon* item *Rha*: quæ ultima denominatio secundum *B. NEVMANNI prælection. chym.* cap. de rhabarbaro vero, a flumine rha, hodie Wolga dicto originem ducit; unde dein ex adjecta voce barbarum rhabarbarum componitur, quod quasi radicem apud barbaros nascentem designat. Arabibus dicitur *Rivand* cognomine Sini, id est sinarum, quia ex regno amplissimo Sinarum & proxime conterminorum Tartarorum, sive ex China advehitur. Nominatur quoque Alexandrinum quoniam olim per Alexandriam Venetias delatum hinc ad alias Europæ provincias perferabatur. Nostris autem temporibus, cum florentissimum Russiæ regnum per Tartariam cum Sinensibus frequentiora cœpit alere commercia, maxima pars ejus ex Russia ad nos adportatur, ut ideo Russicum sive Moscoviticum rhabarbarum cum Sinensi idem sit, neque aliter differat, quamquod forte per alios subinde mercatores ad nos perveniat. Atque de hoc eo minus dubitare licet, quia ex itinerarariis Russiæ satis superque constat, non exiguum reddituum Imperatricis partem rhabarbari commercium, quod Imperatrix sola exercet, constituere, ideoque severis cautum esse legibus, ne quis subditorum mercandi & lucrandi sine rhabarbarum ad exteras gentes sine concessione dimittat.

§. II.



## §. II.

Est autem exoticum hoc vegetabile, ut plurimi rhabarbari commentatores judicant, species maxima Lapathi, radice gaudens crassa tuberosa, aliquantulum fungosa, foris fusca, intus crocea, & quasi carneis rubicundis striis interstincta. Superior hujus radice pars abscissa, cortice denudata & leniter exsiccata proprie est rhabarbarum optimum & verum; appendices autem, seu radice oblonga pars vilioris est pretii minorisque virtutis, & proprie dicitur Rhaponticum; licet pro hoc etiam radix quædam in nostris terris culta & usui servata venditari soleat. Quo etiam spectat rhabarbarum Monachorum, quod similiter agri nostri alunt; sicut ipsemet avarum quendam novi pharmaceuticum, qui in horto suo satis spatioso & paludoso rhabarbarum Monachorum larga in copia colebat, & quotannis fere dimidium ejus centenarium ignaris aromatariis divendebat. Hanc autem de rhapontico & Monachorum rhabarbaro considerationem hic prætermittens de rhabarbaro tantum vero necessaria quædam & utilia paucis subjiciam.

## §. III.

His ita de varia appellatione & origine rhabarbari breviter prælibatis, jam ipsius examinis chymici, quod de industria suscepi, rationem reddam. Nolui enim aliorum, sed meis videre oculis; alioquin B. NEVMANNI, analysin rhabarbari chymicam, omnibus, quas scio, præstantiorem, hic fundamenti loco ponere potuissem. Primo autem experimentum cum spirituo-  
fo



so menſtruo hoc modo inſtitui: unciam unam rhabarbari veri in pulverem redaſti cum unciis viginti quatuor ſpiritus vini reſtificatiſſimi infuſam cucurbitæ temperato igni arenæ digeſtorio expoſui, & prævia decantatione debitaque filtratione, accepi tincturam ex rubro fuſcam ſaturatam, odoris non ingrati, ſaporis blande amaricantis, temperate adſtringentis, ſubacris & baſamici. Abſtracto leniter ſpiritu ſuperfluo, uncia circiter una tincturæ remanſit concentratæ, quæ ulteriori evaporatione ad legitimam extracti formam conſiſtentiam redaſta drachmas duas cum dimidia, & grana quinque extracti reſinoſi primi ſpirituſi odorati ſuppeditabat. Id, quod remanſit cum aquæ ſimplicis fluviatilis ſufficiente quantitate leniter de coquendo extraxi, indeque decoctum adhuc ſaturatum, coloris ex rubro fuſci, ſaporis amaricantis & ſub adſtringentis obtinui, quod debita evaporatione exſiccatum drachmas duas cum ſcrupulo uno extracti gummoſo-aquofi ſecundi dedit, remanentia huius uncia exſiccata drachmas tres ponderante. Ut igitur uncia una rhabarbari veri ſuppeditaverit

Extracti ſpirituſi primi ℥iij. & gr. v.

aquofi ſecundi ℥ij. & ʒj.

remanentiæ ℥iij.

#### §. IV.

Deinde unciam unam rhabarbari veri pulveriſati cum ſalis tartari drachmis duabus remixti cum aquæ puræ ſimplicis ſufficiente quantitate adhibito leni ignis gradu decoquendam curavi & tincturam aquoſam al-

B

alcali-



alcalicam, coloris rubicundi pellucidi, saporis fati amaricantis, temperate adstringentis subacris & balsamici obtinui, quæ ubi turbulenta subsederunt, decantata post lenem evaporationem drachmas sex cum dimidia suppeditavit extracti gummeo-resinosi, ex rubro fusci. Residuum debito modo exsiccatum drachmas tres pependit, aperto indicio, menstruum aquoso alcalinum majori pollere efficacia, virtutes medicinales in extracto contentas apte facileque extrahendi. Spiritus vini residuo affundere, indeque resinosum extractum colligere nolui, partim quod exigua illius portio mihi indicabat, parvam in ipso adhuc latitare extracti resinosi secundi quantitatem, partim quod B. NEVMANNVS de eodem rhabarbari pondere vix grana quinque resinosi principii obtinuit, ut ejus prælectiones chemicæ ostendunt.

#### §. V.

Ex dictis & adductis experimentis jam satis apparere arbitror: nostram radicem 1) in contextu suo fovere partes resinosas, quæ se per extractionem cum Spiritu vini rectificatissimo clare manifestant, 2) gummosas, per extractionem aquosam conspicuas; quæ tamen illas copia multum superant, & præcipuum ingrediens constituunt, 3) terrestres quæ post extractiones residuæ solvi amplius nequeunt, 4) salinas stimulant, valde tamen tenues atque volatiles, à quibus laxativa rhabarbari virtus dependet. Quæ licet per chymicam encheiresin separari, & ad oculum demonstrari nequeant, mixto tamen immersæ hærent, quod inter  
alia



alia hæc evincunt argumenta. Primo enim vis laxans facile in auras avolat, si radix diutius pulverifata ad-  
servatur, indicio, hanc volatili principio consistere. Deinde in substantia data duplo majorem habet laxandi virtutem, quam si in infuso propinatur. Cui accedit, ut pœne omni alvum stimulante facultate possit privari, si in vase aperto cum aqua diutius coquitur. Imo etiam sola extracta hoc volatile principium in rhabarbaro contentum patefaciunt, utpote quæ minus quam rheum in substantia alvum movere solent: siquidem experientiæ testimonio drachma dimidia pulveris plus laxat, quam extractum ex eadem pulveris quantitate paratum.

§. VI.

Quod ad speciales nostri medicamenti vires attinet, a priscis jam temporibus omnes medicorum scholæ personant, rhabarbarum laxare & adstringere, quas facultates ipsi merito tribuendas esse ex §pho V. facile patet; ideoque in omnibus iis morbis, qui utrumque expetunt effectum, ut in diarrhœa & dysenteria, malo hypochondriaco & hysterico, gonorrhœa benigna, fluore albo, pollutionibus nocturnis, vomitu cruento & mensium fluxu nimio &c. rhabarbarum utilissimum erit medicamentum. Maxime autem omnium in *diarrhœis & dysenteriis specificè* solet laudari: neque inter initia mali datum concepta spe ægros frustratur, ideo quod pravam acremque materiam, alvi irritatricem corrigit, educit, & in recessu simul roborantem & adstringentem exserit effectum. Neque immerito



anima audit hepatis: continuato quippe usu morbis ex vitio hujus visceris oriundis, ut ictero, cachexiæ, scorbuto, hydropi &c. egregie succurrit. Jam quidem sunt nonnulli, e. g. b. NEVMANNVS, qui ob roborans & subadstringens principium huic medicamento in dictis morbis parum fidendum esse contendunt. At perpendendum esse censeo, affectus jam allegatos sæpius a viscerum atonia oriri, quæ ideo sicut alias medicamentis martialibus, ita longe securius rhabarbaro potest emendari.

#### §. VII.

Tum quoque hoc nomine plurimum commendandum venit rhabarbarum, quod blandæ & naturæ valde amicæ est operationis, pariterque infantibus ac adultis tuto potest exhiberi, singulisque fere constitutionibus & plerisque morbis convenit. Neque reticenda est virtus ejus diuretica, a salinis forte particulis proveniens, qua, observante B. Joh. Maur. HOFFMANNO in *prolus. mat. med.* urinam leniter stimulat, quam etiam colore flavo tingere solet. Continet insuper principium quoddam vaporosum, odore nares feriens anodynum, cujus virtute vertiginosos lædere posse, quidam adserunt. Licet vero nimius rhabarbari abusus hisce hominibus, aliquo modo adversus esse queat; nemo tamen profecto de prudenti ejus usu hoc fundata quadam ratione defendere poterit. Verbo dicam, rhabarbarum plane benedictum & polychrestum est medicamentum.

#### §. VIII.



§. VIII.

Ut vero splendidæ & plane insignes rhabarbari virtutes eo clarius innotescant, pauca adhuc de speciali ejus usu & adhibendi modo proferam, præcipua ejus præparata expensurus. De usu rhabarbari in substantia & pulvere jam supra §pho V. adnotavimus, quod efficaciorē habeat vim laxantem, quam si ignem jam expertum in alia forma porrigitur, & cum virtus ejus subadstringens, sive roborans, a particulis terrestribus plurimam partem dependet, nihil dubii est, quin roborandi fine in diarrhœa, dysenteria, gonorrhœa benigna, fluore albo & aliis morbis §pho VI. indicatis optime detur in forma pulveris, qui terrestres partes adhuc omnes continet. Similiter si intestinorum canalis viscida quadam amurca, quæ flatuum proventui velificatur, obsessus est, rectius quoque datur pulvis rhabarbari, salino quodam stimulo vigoratus. Nam partibus suis fibrosis in sensibiles intestinorum membranas efficacius agit, sicque non solum viscidos humores, intestinorum parietibus adhærescentes perbelle abstergit, sed flatus quoque egregie educit.

§. IX.

Quod attinet ad modum præscribendi pulveres, optime rheum datur in adultis aa. 3<sup>ss</sup>. ad 3j. commodèque miscetur cum salibus neutris e. gr. tartaro vitriolato, arcano duplicato, cremore tartari, terra foliata tartari, Sale Sedlicensi &c. adjecta, si opus est in robu-



stis subjectis, & ne dosis pulveris nimia fiat, uno alterove grano diagrydii sulphurati, vel, si multum serofæ colluviei expurgandum est, addita debita radicis jallappæ, vel mechoacannæ albæ portione. Immo etiam, si solo rhabarbaro alvum sufficienter subducere malimus, binæ rhabarbari pulverisati doses, quarum singula drachmam dimidiam æquat, ita potest præscribi, ut altera circa decubitum, altera postero die capiatur. Formulas, facile quisque secundum dicta concinnare poterit; interim tamen has in medium adducere lubet:

℞. Rhabarbari elect. ʒss.

℥ræ fol. Fri s. Fri ⊕lat. gr. x.

M. f. pulv. D.

℞. Rhabarb. el. ʒj.

Crem. Fri ʒj.

M. f. Pulv. dividatur in II. part. æqual. D. S. Davon eins des Abends und eins des Morgens früh zu nehmen.

℞. Rhabarb. el. ʒss.

Arcani duplicati gr. viij.

Diagryd. ⚄rat. gr. ij.

M. f. pulv. D.

§. X.

Quod si autem præter laxantem inprimis etiam tonico-roborantem volumus virtutem, similiter quoque cum aliis appropriatis remediis commode potest permisceri. Ita e. gr. in gonorrhœa benigna, pollutionibus



tionibus nimis & fluore albo, commode ejus drachma dimidia pro dosi cum granis circiter sex opobalsami veri jungitur: in hæmorrhagiis nitro addito temperatur, & in nimis alvi dejectionibus cum C. C. usto, sine igne præparato, crystallo montana præparata & minima portione olei destillati macis vis ejus roborans exaltatur. Tum vero etiam rhabarbarum, ob virtutem suam tonicam, salutariter sæpe adjicitur pulveribus aliis roborantibus, eo quidem fine, ut subtili suo irritante principio adstringentem reliquorum virtutempaululum mitiget, & inter se mixtis medicamentum emergat temperatum & securæ efficacæ. Hinc exempli causa in diarrhœis, & fluore &c. bonus componitur pulvis roborans & moderate sistens ex succino, mastiche, cortice chinæ & cascarillæ, quibus ad infringendam aliquantisper adstringentem virtutem non sine fructu admiscetur rhabarbari pulvis.

§. XI.

Tincturæ Rhabarbari sive sunt spirituosæ, sive aquosæ & in pharmaciis animæ dicuntur rhabarbari. Ex aquosis optime sunt, quæ ad methodum ROLFINGII cum menstruo alcalino conficiuntur. e. gr.

℞. Pulveris rhabarbari elect. ʒiij.

℞. Fri ʒj.

℞. Melissæ sive cichorei ʒiv.

M. & digere leni calore, exprime & filtra.

Atque talis tinctura in paulo largiori dosi oblata non solum leniter laxantem, verum etiam minimos viscerum



rum tubulos referantem possidet efficaciam, ob quam in plurimis morbis chronicis, si laxantia & deoppilativa indicantur, saluberrimum spondet effectum. Longe autem adhuc magis hoc præstare poterit, si cum dimidia vel tertia parte arcani tartari remixta datur, vel si hoc ipsum ad drachmas circiter duas dictæ tincturæ inter extrahendum adjicitur. Sic enim majorem abstergendi, aperiendi, viscidosque humores per alvum & urinam evehendi acquirit potentiam. Atque habeo ex institutione D. D. Daniel, b. FR. HOFFMANNVM, cujus ille genuinus discipulus est, in cachexia, hydrope, ictero, hepatis infarctu, hæmorrhoidum vel mensium fluxu nimio & similibus hancce præscripsisse formulam:

**R.** Rhabarbar. el. pulverifat. ʒʒ.  
 extr. gent. rubræ cent. min. aa. ʒiʒ.  
 ☞æ fol. ʒri, ☉is ʒri aa. ʒj.  
 ☞æ card. bened. ʒviij.

Coque & solve leni calore, exprime & filtra D. S.  
 Rhabarber-Tinctur zu 80 - 100. Tropffen.

## §. XII.

Tinctura spiritiuosa inferiorem quidem aquosa habet energiam; interim tamen segnioribus subjectis optimo cum effectum, non quidem laxandi, sed aperiendi & incidendi scopo porrigitur; licet etiam continuato usu & auctiori dosi bene expeditam alvum fervet. Quam ob rem etiam non condemnendus plane illorum mos mihi videtur, qui in morbis hypochondriaco-hystericiis & aliis, ex viscida sanguinis & humo-  
 rum



rum impuritate oriundis, ut scabie, tincturam rhabarbari spirituosam æquali portioni tincturæ antimonii tartarifatæ, sive tartari admixtam, ut sanguinem purificans præscribunt; Sicut B. TEICHMEIERVS solitus fuit, itemque Cel. STORCHIUS in libro, Medicinische Jahr- Gänge dicto.

§. XIII.

Jam disquirendus venit ipsius extracti usus & adhibendi modus. Utrumque autem extractum tam aquosum, quam spirituosum, egregias habet virtutes laxantes & roborantes, iis licet, quæ ipsi pulveri insunt, paullo inferiores; ideoque perinde ac pulvis in iis morbis, qui utramque postulant opem, bono cum successu ad ʒj-3ʒ. potest propinari. Observarunt tamen auctores nonnulli, ex quibus instar omnium B. NEVMANNVM allegare sufficiat, spirituosum extractum multo lenius stimulare & subadstringere. Cui quidem sententiæ & ego subscribere nullus dubito, quoniam aquosum extractum non solum gummosas, sed plurimas quoque resinosas (per Sum IV.) continet particulas, adeoque duplici agit principio. Atque etiam ipsæ tincturæ rhabarbarinæ hanc meam confirmant sententiam, quarum spirituosa, resinosis agens particulis mitius longe operari solet aquosa, per Sum priorem XII. Optime autem datur extractum vel in forma pilulari, vel in menstruo quodam solutum. Ita e. gr. stimulandi fine variis admiscetur pilularum formulis; quarum tamen exempla hic cumulare nolo, sed id tantum urgeo, quod non tam laxandi quam potius roborandi

C

scopo



scopo utilissime sæpe basin constituat pilularum tonicarum in fluore albo, gonorrhœa chronica & pollutionibus nimis proficuarum. En! autem formulam, B. FR. HOFFMANNO in dictis affectibus usitatam.

**R.** Extr. rhabarbar.  $\nabla$  si ʒij.

Succini, mastiches, ossis sepiæ, terebinth. Venet. aa. ʒʒ.

Opobalsami, extr. cascarillæ  $\nabla$  si aa. ʒj.

m. f. l. a. MP. & ex ʒj. hujus massæ pilulæ XX. D. S. fumantur pro una vice N. XX.

#### §. XIV.

Informam liquidam autem optime redigitur cum liquore terræ foliatæ tartari in hunc modum:

**R.** extr. rhabarbari  $\nabla$  si ʒj.

liqu. Terræ foliat. Fri ʒj.

M. D. S. eröffnendes Elixir zu 80. - 100. Tropfen.

Atque sic evadit laxans tutum pariter atque proficuum, quod in malo hypochondriaco, aliisque morbis cum atonia ventriculi & intestinorum complicatis, in cachexia & incipiente hydrope imprimis commendari meretur. Tum quoque in morbis chronicis, ex viscerum abdominis atonia propullulantibus, in quibus ob defectum bonæ bilis largus cruditatum acido-viscidarum est proventus, plurimum interest ut non solum extractis amaris balsamicis defectum bonæ bilis expleamus, sed alvum quoque, quæ plerumque strictior est, apertam servemus. Quo fine B. FR. HOFFMANNVS ut scripta ejus uberrime docent, multum tribuere solebat elixiriis visceralibus, ex extractis amaricantibus



ricantibus in lixivioso menstruo solutis, compositis, quibus, ut alvus simul ad officium suum redigatur, cum fructu adjiciebat extractum rhabarbari aquosum, e. gr.

℞. extr. rhabarb. aquosi, cent. min. card. bened.

℥ræ fol. Fri aa. ʒij.

Coque & solve leni calore in ℥æ melissæ & menthæ aa. ʒiv. filtretur, detur.

§. XV.

In infusis quoque laxantibus & resolventibus optime datur rhabarbarum, sed majori quam in substantia dosi ad ʒij. vel ʒβ. Atque sane & in hac forma, ob suam, quam sine molestia præstat operationem, & ob vim, quam simul exserit roborantem, multis modis præferendum est foliis sennæ sine stipitibus, agarico, fibris hellebori nigri & aliis &c. Equidem actum agerem laborem, si hunc rhabarbaro in infuso utendi modum multis commendare elogiis susciperem, quum in vulgus usque notum sit, infusa tam vinosa, quam aquosa laxantia, ex speciebus resolventibus & amaris roborantibus, maximeque rhabarbaro composita, in variis diuturnis morbis, ut mensium defectu, fluore albo, cachexia, ictero, hydrope &c. utilissime adhiberi. Maxime autem omnium infusa rhabarbarina in ictero, infarctu hepatis & obstructione ductuum biliariorum, item in febribus intermittentibus tam tertianis, quam quartanis rebellibus præclaram præstant operam. Quo in casu insigniter profuisse memini sequens infusum ad libram unam & ultra quotidie, quan-



tum per ventriculi rationem fieri potuit, tam calide quam frigide per tempus aliquod haustum:

$\mathfrak{R}$ . rhabarb. elect.  $\mathfrak{z}$ j. -  $\mathfrak{z}$ iss.

rad. rubiæ tinct. graminis, curcumæ, aa.  $\mathfrak{z}$ ss.

Hb. capill.  $\mathfrak{z}$ r. hepatic. nobil. aa. mj.

marrub. albi, summitat. cent. min. aa. mss.

Sem. foenic.  $\mathfrak{z}$ ij.

passular. min.  $\mathfrak{z}$ iss.

$\mathfrak{F}$ ri  $\mathfrak{F}$ risat.  $\mathfrak{z}$ iiij.

M. c. c. infundantur cum mensuris tribus vel quatuor  $\nabla$ æ ferventis per noctem, & mane super ignem ebulliant.

#### §. XVI.

Inter aquosa infusa inprimis etiam referri merentur potiones rhabarbarinæ sive solæ, sive rhabarbarino-mannatæ, quas in frequenti habuit usu b. FR. HOFFMANNVS, omnesque in artis exercitio felicissime adhibent, qui tutam ejus & naturæ accommodatam medendi methodum imitantur. Etenim cum rejectis omnibus drasticis remediis, tonum & motum peristalticum debilitantibus, blanda & secura laxantia inprimis in usum ducenda sint; Nemo sane mihi vitio vertet, si etiam rhabarbarum tanti facio, & ceu securissimum laxans commendandum puto. De infusis vinosis, quorum præparandi modus satis superque cognitus est, nihil commonefacere lubet, nisi quod plerumque rectius infusio fiat cum aqua, adjiciendo post refrigerationem, sufficientem vini quantitatem, quam cum solo vino, cujus spirituosæ partes inter coquendum avolant, remanentibus & se magis explicantibus acidis



acidis particulis, operationem laxantem sæpe remorantibus, vel tormina ventris producentibus.

§. XVII.

Passulæ rhabarbarinæ inter præcipua pertinent rhabbarari præparata, quarum præparatio ita adornatur: Recipe pulveris rhei electi ʒ℥. infunde cum s. q. Væ simplicis feruentis, exprime & cola: postea colaturam affunde libræ dimidiæ passularum minorum, a fordibus purgatarum & sacchari candi pulverisati uncia. Coque hæc promiscua leniter in vase apto ad spissam consistentiam & serva usui. Atque hæ sunt clementissimum & cuiusvis fere ætati aptissimum laxans medicamentum. Quod si enim teneros infantes tuto purgandi intentio est, hæc optime potest expleri, si passulas laxativas offerimus, idque eo magis, quia sine nausea, quam tenelli ex aliis remediis facile percipiunt, commode possunt adsumi. Si porro in adultis hominibus ad alvi segnitiam emendandam desideramus remedium, quod sine molestia & subsequente adstrictione alvum præstet lubricam, simili ratione dictæ passulæ omne absolvunt punctum, si post cœnam & matutino tempore subinde ad cochlear unum deglutiuntur. Atque hoc fine non solum hypochondriacis, quorum frequentissimum symptoma alvi obstructio est, sed aliis quoque, & inprimis gravidis duritie alvi ut plurimum laborantibus, saluberrimam præbent medicinam; maxime cum tonus ventriculi & intestinorum nimis læderetur, si quis fortioribus remediis alvi adstrictionem crebrius referare tentaret.



## §. XVIII.

Porro optimis rhabarbari præparatis accensendus est notissimus ille officinalis syrupus de cichorio cum rhabarbaro, quem mulierculæ nostrates ad mœconium expurgandum recens natis offerre solent. Neque raro excipientis loco adhibetur, si pueris alia laxantia, quæ plerumque fastidiunt, assumtu grata reddere volumus, quæ ideo cum hoc syrupo bene subacta in Electuarii formam commode rediguntur. Imo etiam idem hic syrupus cum æquali portione oxymellis squillitici remixtus cum fructu propinatur infantibus asthmate humido laborantibus, ut non solum mucus in pectore resolvatur, sed alvus quoque, quæ plerumque constipata est, simul aperiatur. Neque spernendus est syrupus de rhabarbaro solutivus, adjecta senna præparatus, qui non solum infantibus per se potest dari, sed decoctis quoque aperientibus ad edulcorandum viresque illorum reliquas adjuvandas admisceri.

## §. XIX.

Rhabarbaro tosto specifica à multis tribuitur efficacia in nimis alvi dejectionibus sistendis. At vero, si rem æqua lance libramus, vix aliter agit, ac iners quoddam terreum; & quum rheum recenter pulverisatum hoc præsertim nomine in dysenteria atque diarrhœa laudari solet, quod (per §um VI.) subducta prius causa materiali leniter postea roborat: recens omnino tosto, suisque agendi viribus per ignem privato, multis modis est præferendum. Neque silentio præte-



præterire possum oleum rhei rubrum, inter Anglos solemne, quod teste NEVMANNO, loco cit. ex rheo & amygdalis exprimitur, & in iisdem intestinorum morbis frequentissime adhibetur. Jam quidem oleosa in tali casu ad spasmos intestinorum laxandos efficacia sua non carent; an vero rhei principia libere sic agere queant, valde dubito. Etenim laxantem hujus virtutem quodammodo hebetat pingue olei involucrum; subadstringens autem energia huic oleo parum inest, utpote quæ a terrestribus particulis præcipue dependet. Rhabarbarum itaque in substantia, idque si tormina ventris urgent, præmisso vel subjuncto oleo amygdalarum offerre præstat.

§. XX.

Atque hæc sunt, quæ de rhabarbari analysi, vera indole & egregia virtute pro ingenii modulo proferre placuit, nihilque superest, quam ut DEO O. M. pro præstito hætenus auxilio humillimas agam gratias, sincereque voveam, ut in generis humani commodum eveniant hæc omnia.

F I N I S.

*Pag. 7. lin. 23. pro itinerarariis lege itinerariis.*

*Pag. 12. lin. ult. pro mendicamentorum lege medicamentorum.*





